

# SCHIBETTAS DAL MAIS:

## NIRVANA "WITH THE LIGHTS OUT", BUTTERFLY BOUCHER "FLUTTERBY", JOHN FRUSCIANTE

PRESENTADAS E VALITADAS DA PATRICK CAUL

NIRVANA „with the lights out“

Avant 13 onns ha in album miss la musica da rock sin il tgau, ed avant 10 onns ha in idiot sajettà a sazez cun ina buis en il tgau....

E tge ch'è restà èn in pèr chanzuns che vegnan a restar chanzuns preferidas: NIRVANA èn istorgia.

Punctualmain sin il temp da Nadal è vegnì edì l'ultimativ best of. Trais dc's ed ina DVD cun material per gronda part anc mai edì; quasi excavaziuns or dal tschaler NIRVANA. La vaiva da Cobain, Courtney Love, ha prendì badel e zappun en maun ed ha chavà en la vita da ses um defunct.

Ed ils stgazis ch'ella ha enflà e preschentà cun la cumpilaziun "with the lights out", èn davaira insatge per fans e rimnaders. Registraziuns da l'emprim NIRVANA-concert insumma, Kurt Cobain sulet cun gitarra acustica, versiuns oriundas da classics sco "pennyroyal tea", "polly" u "lithium", registraziuns en il tschaler d'emprova, mixdowns ruchs da producent Buch Vig....

Per hardcore-fans segir in must, per Courtney Love in pèr \$\$\$\$\$ dapli....shame on you, bitch!

★★★



BUTTERFLY BOUCHER "flutterby"

La giuvna musicista australiana BUTTERFLY BOUCHER preschenta cun ses debut "flutterby" ina collecziun da chanzuns scritgas, producidas e sunadas dad ella sez. Ed era sch'ina gronda firma da plattas distribuescha sia musica, na preschenta quest disc nagut auter che BB 100%....uschia raquinta la biografia da quella giuvna....

E bler dapli datti strusch pli da raquintar da BB – quia datti sulet: tadlar! Suenten 100 milliuns clons insanua tranter Brithney ed Alanis, finalmain puspè ina gia ina dunna cun in agen sound, cun melodias che fan pel giaglina, cun chanzuns novas! Quia sai jau davaira tge dir: tadlai viaden!

★★★★★★★★

JOHN FRUSCIANTE

John Frusciante, ghitarrist dals RED HOT CHILLI PEPPERS para dad esser in dals creativs workaholics da la scena – e na betg be quai, quest ghitarrist è segir era in dals pli husslis musicists insumma....

Quest onn ha el edì sis (6!) albums en sis (6!) mais....

E naturalmain, quest sound è dal tuttatfatg auter che quel dals poppers peppers. Tut las ideas abstrusas che na chattan nagin lieu sin albums dals Peppers, edischa John Frusciante sut ses agen num, en collavuraziun cun ses meglier amitg Josh Klinghofer. Ed era sche quella musica na plascha per 99% betg als fans ch'enconuschan Frusciante da las paradas da hits, è quest ghitarrist e chantadur in striun da melodias. Mintga solit tun da quels sis albums èn producids e sunads uschè simpel sco pussaivel, sounds "uiarschs" e curius regian da l'entschatta fin la fin. Il sound unic e funky che fa or da John Frusciante in dals spezials ghitarrists da noss temps, quel cumpara be qua e là, e durant quels muments rars tuna el pauc suenter Peppers...En il center stà adina la chanzun, la melodia....bellezza musica!

★★★★★★★★

